

Դավիթ կյուրապաղատը իր գահակալության օրոք (966—1000), բացի Տայքի մեծագույն մասից, կարողացել էր տիրել Բյուզանդիայի կողմից վերացված Կայսիկների ամիրայության հողերին և Մրվանյանների զբաղեցրած տարածքի հյուսիս-արևելյան մասերին, Դավիթ կյուրապաղատի ժառանգական կալվածքներին այդ հողերի միացման պատճառը արձանագրել է Ասողիկը. «Վասիլ թագաւորն Յունաց զԹողնիկ զօրավարն, որ էր յազգէն Վրաց, արեղայ ի սուրբ լերինն՝ հանեալ առաքէ առ կիւրապաղատն Տայոց Դաւիթ. և խոստանայ տալ նմա զհաղտոյառիճ Կղէսուրան, զՉորմայրի և գեարին, զԲասեան և զՍևեդկ բերդակ, որ է Մարդաղի, զՀարք և Ապահունիս, (զորս և ետ իսկ), որպէս զի զօր առաքեսցէ յօգնականութիւն նմա»¹: Ինչպես հայտնի է, բյուզանդական կայսրի այս քայլը կապված էր Վարդ Սկլերոսի 976—979 թթ. խռովության հետ, որի ժամանակ Դավիթ կյուրապաղատը օգնություն ցույց տվեց իր վաղեմի բարեկամ Վարդ Փոկասին, խռովությունը ճնշելու գործում: Հիշյալ ժամանակաշրջանում, որն ընդգրկում էր Վասիլ Բ-ի գահակալության (976—1025) առաջին տարիները, մեծ վտանգ էր սպառնում նաև Բյուզանդական կայսրության ազդեցության ոլորտում գտնվող Տարոնին և Կայսիկների ամիրայության նախկին հողերին: Այս կապակցությամբ Ասողիկը գրում է. «Եւ մինչ զայսու շփոթմամբ էր թագաւորութիւնն Յունաց՝ Խլաթայ և Նփրկերտոյ ամիրայն Բատն վերստին շինէ զքաղաքն Մանազկերտ. և սրով և գերութեամբ անմարդացոյց զգաւառն Տարօնոյ, յաւարի առեալ զքաղաքն Մուշ»²:

Բյուզանդական կենտրոնական իշխանությանը սպառնացող ներքին և արտաքին վտանգը կասեցնելու նպատակով Վասիլ Բ-ն և պարակիմոմենոս (կայսեր սենեկապետ) Վասիլը դիմում են մի շարք կտրուկ միջոցառումների: Եթե Վարդ Փոկասը Վասիլ Բ-ին կողմնակից զորքի գլուխ անցած պետք է կռվեր Վարդ Սկլերոսի դեմ, ապա բացի ռազմական օգնություն ցույց տալուց, Դավիթ կյուրապաղատի վրա էր դրվում նաև Բյուզանդիայի արևելյան սահմանների պաշտպանությունը:

Խռովությունը ճնշվեց: Սկլերոսը ապաստան գտավ Բաղդադում: Թվում էր, թե կենտրոնական իշխանությանը սպառնացող վտանգը վերջնականապես վերացել էր: Սակայն 986 թ. օգոստոսի 17-ին բուլղարներից բյուզանդական զորքերի կրած պարտությունը պատճառ հանդիսացավ Սկլերոսի առաջխաղացմանը դեպի կայսրության խորքերը: Այս անգամ, ինչպես Ասողիկն է վկա-

¹ «Ս տ ե ի ա ն ո ս ի Տարօնեցոյ Ա ս ո ղ կ ա ն Պատմութիւն Տիեզերական», Պետերբուրգ, 1885, էջ 192:

² Նույն տեղում:

յում³, նրան աջակցեց Բատը, որն, ինչպես երևում է, չէր հրաժարվել իր տիրույթները ընդլայնելու մտքից:

Խոռվոթյան ճնշման գործը կրկին հանձնարարվում է Վարդ Փոկառին, որին Վասիլ Բ-ն վերադարձնում է Արևելքի սխոլերի դոմեստիկոսի (սպարապետի) պաշտոնը: Սակայն, Փոկասը, թերևս, ձանձրացել էր Վասիլ Բ-ի երկդեմ վերաբերմունքից և, իրականացնելով Փոկասների վաղեմի երազանքը, իրեն հռչակում է կայսր: Թվում է, թե դա նախապատրաստված քայլ էր, քանի որ նրան միացավ նաև Դավիթ կյուրապաղատը, որը հավանաբար իրեն վստահ չէր զգում Վասիլ Բ-ից ստացած հողերի վրա և ուզում էր դրանք ժառանգական դարձնել⁴: Քաղաքական այդ բարդ իրավիճակում Վարդ Սկլերոսը փորձում է հարել Վարդ Փոկասին, սակայն վերջինս նրան համարում է իր ախոյանը և ձերբակալում: Վարդ Փոկասն արևելքից մոտեցել էր Կոստանդնուպոլսին, իսկ ապստամբած Արևմտաբուլղարական թագավորության զորքերը Սամուելի (997—1014) գլխավորությամբ սպառնում էին մայրաքաղաքին հյուսիսից:

Վասիլ Բ-ն, լքված լինելով դաշնակիցներից և զգալով իր գահին սպառնացող վտանգը, դիմում է Կիևյան Ռուսիայի իշխան Վլադիմիրին (980—1015): Չնայած մինչ այդ Կիևյան Ռուսիան և Բյուզանդիան թշնամիներ էին⁵, Վլադիմիրը որոշում է օգնել Վասիլ Բ-ին, որն իր հերթին, ըստ երևույթին, նրան խոստանում է կնության տալ իր քույր Աննային: Վլադիմիրը Վասիլ Բ-ին ուղարկում է մի ընտրյալ շոկատ, որի օգնությամբ, 989 թ. ապրիլի 13-ին Աբդոսի մոտ վճռական ճակատամարտում նա ջախջախեց Վարդ Փոկասին⁶:

Վասիլ Բ-ն, չցանկանալով Արևելքում նոր թշնամիներ ձեռք բերել, բավարարվեց նրանով, որ Դավիթ կյուրապաղատին ստիպեց իր ժառանգական և կայսրությունից ստացած հողերը կտակել իրեն: Նա ստիպված էր հաշվի առնել նաև Դավիթ կյուրապաղատի և հայ ու վրաց թագավորների միջև եղած դաշինքը: Ասողիկը վկայում է. «Դավիթ պաշարեալ զՄանազկերտ քաղաք և սրով և սովով նեղեալ առնու զնա. յորմէ հանեալ արձակեաց զՏաճկաստանեայսն. և ինքն ընու զքաղաքն Հայ և Վրացի բնակչօք ընդ իւրով իշխանութեամբ: Յայս պատճառէ ի նախանձ բարկութեան բրդեցան ամենայն Պարսիկք և Տաճիկք. և առաքեն դեսպանս պատգամաւ առ Դավիթ կիւրապաղատն՝ դարձուցանել ի նոսա զքաղաքն, ապա թէ ոչ՝ պատերազմաւ պատահեսցին նմա:

Որոց ընդդէմ պատասխանիս լուեալ՝ ժողովին զօրաց բազմութիւն և ամիրայն Ատրպատականի Մամլան, գան ի գաւառն Մաղկոյոտն ի գիւղն, որ Կոստանքն կոչի:

Իսկ կիւրապաղատն Դավիթ և արքայն Հայոց Գագիկ և Արաս ընդ նմա, և Բագարատ թագաւոր Վրաց՝ գան ընդդէմ նոցա ի գաւառն Բագրևանդ, բանակ

³ «Նու ամենայն զօրք աշխարհին առ հասարակ ի հնազանդութիւն գային, և Բատն Ապահունեաց, և Նփրկերտոյ ամիրայն, և վայրաքնակ Արապիկքն որ ընդ նման» (նույն տեղում, էջ 246—247):

⁴ Հմմտ. Հ. Մ. Բարթիկյան, Հայաստանի նվաճումը Բյուզանդական կայսրության կողմից («Պատմա-բանասիրական հանդես», 1970, № 2, էջ 86):

⁵ В. Р. Розен, Император Василий Болгаробойца. Извлечения из летописи Яхьи Антиохийского, СПб., 1883, стр. 23.

⁶ Նույն տեղում, էջ 25:

մեծ բուրեղակա ի վաղարշակերտ քաղաքի⁷։ Թշնամին տեսնելով դաշնակից զորքերի ուժերը, չի համարձակվում մարտի բռնվել և թողնում հեռանում է երկրից։

Դավիթ կյուրապաղատը Բատի օրոք չէր կարողացել տիրել Ապահունիքին, որը դեռ 976—979 թթ. դեպքերի ժամանակ Վասիլ Բ-ն այլ հողերի հետ մեկտեղ տվել էր նրան։ Եվ միայն Բատի մահվանից հետո Դավիթ կյուրապաղատը գրավեց Ապահունիքը Մանազկերտ կենտրոնով⁸։ Այդ գործում նրան օգնեցին հայոց Գագիկ Ա (990—1020), Կարսի՝ Արաս (984—1029) և վրաց Մմրատ-Բագարատ Գ (975—1014) թագավորները։ Հետևաբար, Վասիլ Բ-ն Դավիթ կյուրապաղատի և նրա դաշնակիցների նկատմամբ չէր կարող վարել այն դաժան քաղաքականությունը, որը վարում էր բուլղարների դեմ։ Նա միայն Դավիթ կյուրապաղատին զրկեց իր հողերի վրա ունեցած ժառանգական իրավունքից⁹ և այժմ, նրա մահվանից հետո, շտապում էր տիրանալ նրա կողմից կտակված հողերին և ամրապնդել Բյուզանդիայի գերիշխանությունն Արևելքում։ Վասիլ Բ-ն շտապում էր, ըստ երևույթին, լուր ունենալով, որ Դավթի մահը եղել է բռնի։ Ուռհայեցու հաղորդմամբ, Դավթի սպանությունը կազմակերպել և իրականացրել էր վրաց իլարիոն արքեպիսկոպոսը¹⁰։

Տալթի իշխանները և եկեղեցին շտապում էին երկրին տեր դառնալ մինչ Դավթ կյուրապաղատի կտակը ուժի մեջ կմտնել։ Եվ պատահական չէ, որ 1000 թ. Վասիլ Բ-ի Հայաստանում գտնված ժամանակ միայն Տալքում է, որ տեղի ազատագնդի հետ ռազմական ընդհարումներ են լինում։

Սխալ է այն կարծիքը, թե Վասիլ Բ-ն 1001 թ. է եկել Հայաստան, քանի որ 1001 թ. զարնանը նա զբաղված էր Բուլղարիայի Սերդիկայի շրջանում¹¹ և ապա ութամսյա պաշարումից հետո բարձրաստիճան հոգևորականության օգնությունը գրավեց Վիդին քաղաքը¹²։ Այնպես որ, նա արևելյան գործերը կարգավորելուց և իր թիկունքը ապահովելուց հետո միայն կարող էր գնալ արևմուտք։ Ցահյա Անտիոքացու վկայությամբ, 999 թ. սեպտեմբեր-դեկտեմբերին կայսրը զբաղված է եղել սիրիական քաղաքների պաշարմամբ և գրավմամբ¹³։

7 Ասոդիկ, էջ 266—267։

8 Այս անցքերի մասին է խոսում նաև Մմրատ սպարապետը. «...անօրէն ամիրայն պարսից Մամլանն զայր ահագին բազմութեամբ ի վերայ Հայոց, և աւար հարկանէր հրկիզութեամբ և զերութեամբ զաշխարհն Հայոց, զեկեղեցիս, և հասանէր յաշխարհն կուրապաղատին Դաւթի ի դաւառն Ապահունեաց, և յղէ առ Դաւթ բանս ամբարտաւանս և ասէ, տուր ինձ հարկս ժամի, եւ զորդինքն քո գրեա ծառայս ինձ. ապա թէ ոչ գամ բազում զօրօք ի վերայ քո և ով է Աստուած որ փրկէ զքեզ ի ձեռաց իմոց։ Եւ լուեալ զայս Դաւթի ժողովեաց զզօրս իւր, առ և ի Վրաց և ի Հայոց, և բանակ հարկանէր յանուն Տեառն և զնաւր ընդ առաջ անօրինին, և իջեալ ի սահմանս Ապահունեաց կայր յաղօթս ինքն և ամենայն վանօրեայքն։ Եւ զԿարմրակելն զայրն քաջ կացուցանէր էձ ձիաւորով պահապան զիշերոյն, և յառաւօտուն պահու զայր ոմն ի զօրաց ալլազեացն Ռ ձիաւորով։ Եւ մինչ այգն զառաւօտն մերկանայր հարան ընդ միմեամբք Կարմրակելն և ալլազեին... Եւ կալով զկինն Մամլանայ և ազդ առնէր Դաւթի Կարմրակելն, և որոյ հասեալ փութանակի զօրօքն սաստիկ կոտորածս արար, և Մամլանն մազապուրծ եղեալ զնաց ամօթով։ (Մմրատայ Սպարապետի Տարեգիրք, Ի Վենետիկ — Ս. Ղազար, 1956, էջ 16—17։ Հմմտ. Մատթէոս Ուռհայեցի, Ժամանակագրութիւն, Վաղարշապատ, 1898, էջ 37)։

9 Ասոդիկ, էջ 275։

10 Մատթէոս Ուռհայեցի, էջ 37—38։

11 «История Византии», М., 1967, т. II, стр. 223.

12 И. Иванов, Български старини из Македония, София, 1931, стр. 557.

13 В. Р. Розен, նշվ. աշխ., էջ 40—41, էջ 333—335, ծան. 277,

Ասողիկը ավելի ստույգ է հայտնում Վասիլի այդ տեղերում գտնվելու ժամանակաշրջանը. «Եւ ի տօնէ Խաչվերացին մինչև ցօր Յայտնութեան Տեառն»¹⁴, այսինքն՝ 999 թ. սեպտեմբերի 14-ից մինչև 1000 թ. հունվարի 6-ը, եվ ապա՝ «դարձեալ եկն նա ձմերել յաշխարհն Կիլիկիացոց, ի Տարսոն քաղաք»¹⁵:

Դավիթ կյուրապաղատը «վախճանեցաւ յաւուր մեծի փրկական Զատիկին, ի Նոթ թուականին (1000 թ. մարտի 31-ին — է. Դ.)... Որ և ի լսել ղլուր համբաւոյ մահուան նորա, ի Տարսոն Կիլիկիացոց, թագաւորն Վասիլ՝ փութանակի յառաջեաց գալ յաշխարհս մերս, եւ ել նա ի կողմանս Մելտինոյ»¹⁶: Եփրատը նա անցնում է Թմնիս (Տոմիսա) ամրութեան մոտ գտնվող գետանցով: Ասողիկը հայտնում է. «Եւ անցեալ թագաւորն ընդ Հանձիթ և ընդ Բալու՝ ելանէ ի լեառն Կոհնբայ,— յաւուր Վարդավառի տօնին»¹⁷,— որ ընդ մէջ Հաշտենից, Մոփաց և Խորձենոյ»¹⁸: Այսպիսով, 1000 թ. հուլիսի 7-ին կայսրը գտնվում էր Հաշտենիքի հյուսիս-արևելքում, «և անդուստ գայ հասանէ ի գաւառն Արշամունեաց ի քաղաքն Երիզայ»¹⁹: Այս Երիզան շփոթելով Եկեղյաց գավառի Երիզայի (Երզնկա) հետ²⁰, Արիստակես Լաստիվերտցին գրում է. «Իսկ զկնի մահուան նորա խաղաց ինքնակալ թագաւորն Հոռոմոց Վասիլն՝ ի քսան և հինգերորդ ամի»²¹ թագաւորութեան իւրոյ ծանր գինու. և դէմ եղեալ գայ հասանէ յԵկեղեաց գաւառ...»²²:

Ասողիկի վկայութեամբ. «Եւ ամիրայն նփրկերտոյ քուրորդի Բատին եկն առ նա ի քաղաքն Երիզայ. և արքունատուր ընծայիւք պատուեալ զնա՝ տայ նմա զմաժիստոսութեան պատին: Եւ հրամայէ զօրացն Չորրորդ Հայոց և Տարօնոյ՝ օգնական լինել նմա յոր պէտս և կոչեսցէ»²³: Այստեղ խոսքը Մովսէսյան Արու Մանսուրի մասին է²⁴: Դավիթ կյուրապաղատից հետո Վասիլ Բ-ին հար-

14 Ասողիկ, էջ 274:

15 Նույն տեղում:

16 Նույն տեղում, էջ 275—276:

17 1000 թ. Վարդավառի տոնը համընկնում էր հուլիսի 7-ին (Մաղաքիա Օրմանեան, Ազգապատում, մասն Ա, Կ. Պոլիս, 1913, էջ 1176):

18 Ասողիկ, էջ 275—276:

19 Նույն տեղում, էջ 276:

20 Հմմտ. «Повествование вардапету Аристакеса Ластивертци», перев. с др. арм., Вст. статья и ком. К. Н. Юзбашяна, М., 1968, стр. 142—143, прим. 11.

21 Եթե նկատի ունենանք Վասիլ Բ-ի 25-րդ տարին ներառյալ նրա գահակալության առաջին տարին՝ 976 թ. ապա ստացվում է 1000 թ. (Հմմտ. К. Н. Юзбашян, նշվ. աշխ., էջ 143, ծան. 13): Արիստակես Լաստիվերտցին ամփոփելով իր ասածը Վասիլ Բ-ի Հայաստանում գտնվելու մասին, գրում է. «Այս եղև ի չորեքհարիւր յիսուն թուականիս և դադարեալ երկիրն հանգստեալ ամս չորեքտասան» («Պատմութիւն Արիստակիսի Լաստիվերտցու», աշխատություններ հայաստանի պատմության և պատմության հարցերի վերաբերյալ, Երևան, 1963, էջ 24): Այս 450 թ. հիմք ընդունելով, ենթադրվում է, որ Վասիլ Բ-ն Հայաստանում պետք է լիներ 1001 թ.: (В. А. Арутюнян, Из истории Северо-Восточных пограничных областей Византийской империи в XI веке, «Պատմա-բանասիրական հանդես», 1972, № 1, էջ 93):

Սակայն այստեղ 450 թ. փոխարեն պետք է լինի 449 թ., ինչպես հետևում է Ասողիկի վերը նշված հաղորդումից, իսկ ինչ վերաբերում է 14 տարի տևած խաղաղությանը, ապա ըստ հենց իր՝ Արիստակես Լաստիվերտցու հաղորդման, վրացական և բյուզանդական զորքերի միջև ռազմական դորժոգություններ են ծավալվում 1015 թ. (Արիստակես Լաստիվերտցի, էջ 25): Այնպես որ, հիմք ընդունելով 1000 թ., խաղաղությունը իրոք տևում է 14 տարի և միայն 15-րդ տարում է ընդհատվում:

22 Արիստակես Լաստիվերտցի, էջ 22—23:

23 Ասողիկ, էջ 276:

24 Ա. Տեր-Ղևոնդյան, Արաբական ամիրայությունները Բագրատունյաց Հայաստանում, Երևան, 1965, էջ 198:

կալվոր էին տեղական միջավայրից ուժեղ կողմնակիցներ՝ Բյուզանդիայի արևելյան սահմանները պաշտպանելու համար։ Տարոնը Բյուզանդիային միացվեց 966 թ.։ Վասիլ Բ-ն հետագայում բազմիցս համոզվել էր իր դեմ բռնկած խռովություններին Տարոնի իշխանական տան հարելուն²⁵։ Եվ այժմ նա նփրկերտի ամիրային շնորհելով մագիստրոսի տիտղոս՝ նրան հակադրում էր Տարոնի իշխանական տանը։ Այսպիսով Վասիլ Բ-ն մի ռազմական շրջանի վերածեց Տարոնը, Չորրորդ Հայքը (Մոփաց կողմերը) և նփրկերտի ամիրայությունը (Աղծնիք)։ այդ շրջանը պետք է հենարան լիներ պաշտպանության, ինչպես նաև՝ հետագա նվաճումների համար։ Հետագայում Վասպուրականը, Տարոնը և Վերին Միջագետքը մի կառավարիչ են ունենում²⁶։ Սակայն, ինչպես ցույց տվեցին 1071 թ. Մանազկերտի ճակատամարտից հետո տեղի ունեցած դեպքերը²⁷, այս քաղաքականությունն իրեն չարդարացրեց, քանի որ բյուզանդական կայսրերը հաշվի չէին առնում թուրք-սելջուկների ներխուժումների ահավոր վտանգը, որը դամոկլյան սրի նման կախված էր կայսրության վրա, սպառնալով նրա հետագա գոյությանը։ Նրանք ոչ միայն ցանկանում էին ենթակա երկրներին պահել իրենց ազդեցության ոլորտում, այլև դիմում բոլոր միջոցներին, նրանց հոգևոր կյանքը և մշակույթը ենթարկելու բյուզանդական եկեղեցուն։

XI դ. Հայաստանի գավառների մի շարք բնակավայրերում եղել են բյուզանդական եկեղեցուն պատկանող եպիսկոպոսություններ²⁸, Դրանց ցուցակը մեզ հասել է մի քանի տարբերակներով²⁹, որոնց միջոցով որոշվում են Տրապիզոնի մետրապոլիտության մեջ մտնող հետևյալ եպիսկոպոսությունները. օ Χερσώνων (Շարիան), օ Χαρμάτζουρ (Թերևս պիտիկարդալ՝ [Σαρ]τχαμάτζουր, որը համապատասխանում է Սարչամաձոր բնակավայրին նույնանուն գետի հովտում), օ Χαλίου (Գալլ-գետ բնակավայրը, (Կելիիթ), օ Παίπερ (Բարբերդ), օ Κεραινας (Թերևս պիտի ուղղել՝ Κερ[σ]ανέας, որը համապատասխանում է ասժյան Կերճանիսին), օ Αερίου (Լերրի), օ Βιζάνων (Վժան), օ Μανανίας (Մանանալի), օ Ζαρινάκων (Ձեռնակ), օ 'Ανδᾶκων (Անդակ), օ Μεσοσυνή (պիտի ուղղել Μεσο[ρ]νή, որը համապատասխանում է Մժու[ն]ինի, որի մոտ գրանցվում էր Աշտիշատը), օ Χαχάιου (Պախ՝ Երզնկայի մոտ), օ Σαχάβου (Սուկա-վետ լեռը, որի մոտ էր գտնվում Սուկավյանների նահատակության վայրը համարվող Վաղարշակերտը)³⁰, օ τὸ Χαβτίτζιν (Հավճիչ), օ τὸ Χαντίερ (Թերևս պետք է կարդալ Χαλτίερ, որը համապատասխանում է Պաղտոյ-առիճ բնակավայրին), օ τὸ 'Ολυούτης (Օղնուտ = Եղնուտ = Եղանց բերդ), օ Φασιανής

²⁵ Ասողիկ, էջ 191, 251։

²⁶ Ա. Տեր-Ղևնդյան, նշվ. աշխ., էջ 205։

²⁷ Հմմտ. С. Тоуманов, The Background to Mantzikert, Thirteenth International Congress of Byzantine Studies, Oxford, 1966.

²⁸ Ն. Մարի հիմնավորմամբ այդ եպիսկոպոսությունների տարածքի բնակիչները հայ-քաղկեդոնականներ էին (Н. Марр, Аркаун, монгольское название христиан, в связи с вопросом об армянах-халкедонитах. Санкт-Петербург, 1905, стр. 39—41)։

²⁹ E. Honigmann, Die Ostgrenze des Byzantinischen Reiches, Bruxelles, 1935, S. 54, 192—198.

³⁰ И. В. Абуладзе, Грузино-армянские литературные связи в IX—X вв. Исследования и тексты. Тбилиси, 1944, стр. 22—61, 190—191.

(Բասեան կամ Վաղարշավան), ὁ τὸ Σεραμάντζου³¹ (Սերմանց լեռան մոտ, Թեբեա Խնունիսում, (Խնուն)³²;

Նշված բնակավայրերը Տրապիզոնի մետրոպոլիտոսիանը ենթակա եպիսկոպոսների նստավայրերն ու Բյուզանդիայի գավթողական քաղաքականության իրականացման հենակետերն էին: Պատահական չէ, որ Վասիլ Բ-ի երթուղին, շնչին բացառությամբ, անցնում էր դրանց վրայով:

Արշամունիքի Երիզայից Վասիլ Բ-ն «անցեալ յաշխարհն Աղօրի՝ մերձ յամուրն որ Հաւաճիչն կոչի, երեկօթս առնէ»³³, ի տարբերություն Արիստակես Լաստիվերտցու, Ասողիկը Հավճիչի մասին լրացուցիչ տեղեկություններ է տալիս. «Եւ ինքն շուեալ հասանէ ի լեռոն Հաւճիչ, ի քաղաքն յայն»³⁴: Այն, որ Հավճիչը համապատասխանում է Χαβτιτζιս տեղանվանը, ինչպես Հոնիգմանն է նշում³⁵, ակնհայտ է: Նա այն տեղադրում է Մարդաղի գավառում, սակայն Աղոռի աշխարհի այս վայրերում գտնվելը նա հարցականի տակ է դնում: Այժմ փորձենք ստուգաբանել այդ անունները և տեղագրել:

Հայկական լեռնաշխարհից անցնող ճանապարհները հնուց ի վեր որոշակիորեն կապված են եղել տեղանքի մասնատվածության հետ: Երկրի տարբեր մասերը իրար հետ կապող ճանապարհների համար մարդիկ օգտագործել են փոքրաթիվ լեռնանցքները, որոնք հայտնի էին կղեսուրք (κλειστόρραι) անվամբ և միաժամանակ ծառայում էին որպես ստրատեգիական հենակետեր: Ամենահայտնիներից առաջինը գտնվում էր Տիգրիսի վերին հոսանքների շրջաններում, երկրորդը՝ Հավնունիք գավառում, այժմյան Ղըղըլ Դերբենդ և Կարա Դերբենդ լեռնանցքների շրջանում, իսկ երրորդը՝ Բոնակապանը, Ճորոխ գետի վերին հոսանքների շրջանում: Առաջինը հարավից անցուղի էր դեպի Արածանիի հովիտը, երկրորդը՝ դեպի Երասխի (Արաքսի) հովիտը, իսկ երրորդը՝ Հայաստանը կապում էր Փոքր Ասիայի հյուսիսային շրջանների հետ: Առաջին երկու անցուղիներով են անցել Թըզլաթպալասար Ա (1115—1077) և Աւլմանասար Գ (859—824) ասորեստանյան թագավորները. դա ապացուցվում է այս տեղերում նրանց թողած արձանագրություններով, իսկ երկրորդ և Թեբեա նաև երրորդ կղեսուրքով է անցել 401 թ. մ. թ. ա. 10000 հուլյն զինվորների նահանջի ճանապարհը:

Ն. Ադոնցը, խոսելով Տիգրիսի վերին հոսանքների շրջանում գտնվող կղեսուրքի մասին, նշում է, որ նմանօրինակ ամրացված լեռնանցքները հայկական աղբյուրներում անվանվում են Olor³⁶, ասորականում՝ Halōras, արաբականում՝ Halūris³⁷, հունականում՝ Ἰλυσσός³⁸, Մեկ այլ տեղ նմանօրինակ տեղանուն է հիշատակում նաև Կոստանդին Միրանածինը. «...Ճասխանեի սահ-

³¹ Հմմտ. το ααστρον το Τζεραμάντζου (Constantine Porphyrogenitus, De administrando Imperio, 44, ed. Gy. Moravcsik, Budapest, 1949) այժմյան Խնուն գետի Քիլիս-չայ վտակի շրջանում — Բինգյուլ (Սերմանց) լեռան հյուսիս-արևելյան փեշերին:

³² Նշված եպիսկոպոսությունների տեղագրությունը տես՝ Ս. Տ. Երեմյանի կազմած և սույն հոդվածին կցված քարտեզում:

³³ Արիստակես Լաստիվերտցի, էջ 23:

³⁴ Ասողիկ, էջ 276:


³⁵ E. Honigmann, նշվ. աշխ., էջ 194—196:

³⁶ Վաղ միջնադարում պետք է գրվեր Ալոր:

³⁷ Н. Адонц, Армения в эпоху Юстиниана, Ереван, 1971, стр. 11.

³⁸ Procopius, De aedificiis, III. 3. 4, ed. H. B. Dewing, London, 1954.

ԿԱՅՈՐ ՎԱՍԻԼ Բ-Ի ԵՐԵՎԱՆԻ 10000:



մանը էրաքս, այն է Ֆասիս գետը դառնա, ձախ կողմում դեպի Իլլիրիա (Ἰλλυρία) տարածվող շրջաններին տիրեն իրերները, իսկ աչ կողմում մինչև Թեոդոսուպոլիս ընկած շրջանները, ամրոցները և վայրերը գտնվեն մեր թագավորության տիրապետության ներքո»³⁹:

Կոստանդին Միրանաթինը տվյալ դեպքում նկատի ունի ոչ թե Արաքսը, այլ նրա վտակ Մուրցը: Այս շփոթումը պետք է բնական համարել, քանի որ հնում ենթադրվում էր, որ Եփրատի և Արաքսի ակունքները բխում են ջրբաժան Միրանյաց (Փալանթոքյան-դաղ) լեռների արևմտյան և արևելյան փեշերից: Այս նկատի ունենալով կտեսնենք, որ Կոստանդին Միրանաթինը ճիշտ է նշում բյուզանդացիների և իրերների գրաված շրջանները: Եվ այս դեպքում Ἰλλυρία անվան տակ նա նկատի ունի վերը նշած Բռնակապանը, որը չի կարելի շփոթել Արիստակես Լաստիվերտցու հիշատակած Աղորի աշխարհի հետ, շնայած, որ երկու դեպքում էլ անվան իմաստը նույնն է⁴⁰:

Այսպիսով, Ալոր (Olor) կամ Ոլոր⁴¹ աշխարհագրական անվան տարբերակները օտար և հայ մատենագրության մեջ հետևյալներն են. Haloras, Halüris, Ἰλλυρίσος (Ἰλλυρία), Աղորի (թերևս Ալորի, որով բացատրվում է նաև Լաուրի — Լոուրի անվան ծագումը): Արիստակես Լաստիվերտցու նշած Աղորի աշխարհի տեղագրության մասին կարելի է խոսել միայն Հավճիչ բերդադաշտի տեղը ստույգ որոշելուց հետո:

Նմանօրինակ անունները Հայկական լեռնաշխարհում բազմաթիվ էին: Ստ. Լիսիցյանը մի հետաքրքիր փաստ է բերում՝ կապված լեռնանցքներում գոյություն ունեցող սրբավայր-վանքերի հետ, որոնք սպասարկում էին լեռներում անցնող ճանապարհորդներին: Այս տեսակետից հետաքրքիր է Մոկաց աշխարհի Փութկու⁴² սուրբ Գևորգի վանքը: Ըստ ավանդության այստեղ զոհ էին բերում սև աքաղաղների, սակայն վանքում կենդանի էին թողնում միայն երեքին: Երբ վանքում ձնեբուքից պատսպարված մարդիկ լսում էին աքաղաղների կանչը, դա նշան էր այն բանի, որ բուքը ավարտվել է և անմիջապես ճանապարհվում էին: Այդ տեղը, ինչպես վկայում է Ստ. Լիսիցյանը, թուրքերն անվանում են Խորոդ-Քիլիսեն⁴³, Սակայն այդ ավանդությունը և դրանից բխող անունը պետք է որ ավելի հին լինեն՝ կապված Աստվածաշնչի հետևյալ տողերի հետ. «Ասէ ցնա Յիսուս, ամէն ասեմ քեզ՝ զի յայսմ գիշերի մինչև հաւու խօսեալ իցէ՝ երիցս ուրասցիս զիս»⁴⁴: Այնպես որ Խորոդ-Քիլիսեն կարող էր լինել հայերենից Հավուց վանքի (կամ Հավաճիչի) թարգմանությունը⁴⁵: Թերևս այս ավան-

39 «Օտար աղբյուրները Հայաստանի և հայերի մասին», Գ. Յ. Բյուզանդական աղբյուրներ, Բ. Կոստանդին Միրանաթին, Թարգմանություն բնագրից, առաջաբան և ծանոթագրություններ Լ. Բարթիկյանի, Երևան, 1970, էջ 18:

40 Լ. Բարթիկյանն այս Իլլիրիան նույնացնում է Արիստակես Լաստիվերտցու հիշատակած Աղորի աշխարհի հետ (նույն տեղում, էջ 236, ծան. 41):

41 Ղ. Ի ն ճ ի ճ յ ա ն, Ստորագրություն հին Հայաստանեայց: Մեծ Հայք: Վենետիկ, 1822, էջ 44:

42 «Փոստկայ» կամ «փութկայ» նշանակում է «քարվանսարայ» (Լ. Ա ճ ա ո յ ա ն, Հայերեն արմատական բառարան, հ. 6, էջ 1305—1307):

43 С. Т. Лисицян, Святые у перевалов («Советская этнография», 1936, № 4—5, стр. 206—208).

44 «Աստուածաշունչ գիրք հնոց և նորոց կտակարանաց», չարակարգութեամբ նախնեաց մերոց և ճշմարտասիրաց թարգմանչաց: Սանկտ-Պետերբուրգ, 1817, ՄԱՏՔ. ԻՁ. 34, էջ 909:

45 «Հաւ — որպէս աքաղաղ, որձ հաւ ընտանի, խօսնակ, որձակ, խորոդ (Հայկազյան բառարան, Վենետիկ, 1837, հ. 2, էջ 71):

դուքյանն են առնչվում Գառնիի մոտ գտնվող Հավուց Թառ վանքի անունը⁴⁶, ինչպես նաև «Ճիշագրակ» տեղանունը, որը գտնվում է պատմական Հավնունիք գավառում: Տիգրիսի վերին հոսանքների շրջանի լեռնանցքներից մեկում Թեոփիլակտես Սիմոկատտան հիշատակում է 'Αλαλεισός անունով մի ամրոց⁴⁷, որի անվան արմատը ἀλ.α.γ նշանակում է «աղաղակ», «ճիշ»⁴⁸, որը թերևս նույնպես կարելի է մտցնել վերը նշած անունների շարքում:

Ինչպես տեսնում ենք, Աղորի և Հավճիչ անունները բնորոշ են Հայկական լեռնաշխարհին և կարող էին համապատասխանել բազմաթիվ վայրերի:

Խնդրո առարկա Աղորի աշխարհը և Հավճիչը տեղագրելու համար մենք միայն երկու հենակետ ունենք: Մեկն այն է, որ վերը բերեցինք Ասողիկից և Արիստակես Լաստիվերտցուց: Ըստ այդ հաղորդման, Վասիլ Բ-ն Աղորի աշխարհի Հավճիչ ընդհանուր քաղաքն է գալիս Արշամունիքի Երիզա քաղաքից հետո: Իսկ մյուս վկայությունը քաղում ենք Արիստակես Լաստիվերտցու աշխատությունից: Նա խոսելով 1057 թ. անցքերի մասին, գրում է. «Արդ ի լինել մարտին Հոռոմոց, որդի Լիպարտին Իւանէ անուն, որում տուեալ էին ի պարգևի տեղիս բնակութեան զմեծ աւանն Երիզայ ի գաւառին Հաշտենից»⁴⁹, և որ շուրջ զնովաւ դաստակերտք, սա իբրև լուաւ զայն՝ թէ թագաւորութիւնն յերկուս բաժանեալ է, զնաց և խարանօք էառ զամուրն Եղանց Բերդ կոչեցեալ, և արարեալ զայն ընդ իւրով ձեռամբ՝ դառնայ անդրէն ի գաւառն Աղօրի, և յամուրն որ կոչի Հաւաճիչ: Եւ բարեկամաբար ել քաղաքն ընդ առաջ նորա. և դատաւորն որ ունէր զհոգս արեւելից (է. Դ.)⁵⁰ որ յայնժամ անդ հանդիպեցաւ, զոր իբրև ետես՝ վաղվաղակի ունել հրամայեաց: Եւ առեալ ի նմանէ զանձ անշափ, և ձիս և ջորիս և զամենայն զոր ինչ և նա յարեւելից ժողովեալ էր, և զինքն եղ ի յՈղնուտն ի բանտի. և ինքն փոյթ ընդ փոյթ չոգաւ ի վերայ ամուր քաղաքին Կարնոյ»⁵¹: Այս հատվածից բխում է, որ Իվանեն տիրում էր Արշամունիքին (նրան այդ կալվածքները պարգևել էր Իսահակ Կոմնենոս կայսրը (1057—1059) և որ Աղորի աշխարհը Հավճիչ բերդ-քաղաքով գտնվում էր Արշամունիքից Կարին տանող ճանապարհիններից մեկի վրա:

Այստեղ տեղին է հիշել արաբական աղբյուրներում հիշատակվող Հաֆ-ջիշը՝ կապված Բյուզանդիայի դեմ Այյուբ-ալ-Դաուլայի ռազմական գործողությունների հետ: Աղբյուրների հաղորդածի հիման վրա Ա. Տեր-Ղևոնդյանը գրում է. «939 թ. աշնանը Սայֆ-ալ-Դաուլան Մծրիներից արշավանքի ելավ դեպի Հայաստան, անցավ Մանազկերտի վրայով և ուղղվեց Կալիկալա (Կարնո քաղաքը), որի դիմաց հոռոմները կառուցել էին Հաֆջիշ (Հավճիչ) անունով մի քաղաք: Ըստ արաբ պատմիչի (Իբն Զաֆիրի—է. Դ.) վկայության վերջիններս

⁴⁶ Հաուց Թառը (Ամենափրկիչ) գտնվում է Կուսանաց անապատի՝ Աղջուց վանքի (Սբ. Ստեփանոսի) ճանապարհին (վերջինի մասին տես՝ «Պատմութիւն Առաքել Վարդապետի Դարիժեցւոյ», Վաղարշապատ, 1899, էջ 6, 227, 304:

⁴⁷ Theophylacti Simocattae, Historiae, II. 9, ed. C. de Boor, Lipsiae, 1887.

⁴⁸ Հմմտ. 'Ελελεϋ Plutarchi, Vitae parallelae, Theseus, 22, recognovit Cl. I. Idskog et K. Ziegler, 1—4, Lipsiae, 1914—1939.

⁴⁹ Վերը և այստեղ նշվածից երևում է, որ Արիստակես Լաստիվերտցին կամ նրա երկի ընդօրինակողները պարզ պատկերացում չեն ունեցել Արշամունիքի Երիզայի տեղագրության վերաբերյալ:

⁵⁰ Նկատի ունի Անիի կառնապանությունը, որը համարվում էր Արեւելից կողմանքս:

⁵¹ Արիստակես Լաստիվերտցի, էջ 106:

հենց որ լսեցին Սայֆ-ալ-Դաուլայի գալուստը, ավերեցին քաղաքը և փախան։ Համդանյան ամիրան վերադարձավ Արզն և այնտեղ ձմեռեց»⁵²։

Այսպիսով, Հավճիլը գտնվում էր Արշամունիքից և Մանազկերտից Կարին տանող ճանապարհների հանգուցակետում։ Եվ դրանով իսկ այն շատ կարևոր ստրատեգիական դիրք էր զբաղում, որի մասին է վկայում նաև այն փաստը, որ Վասիլ Բ-ն այստեղ միառժամանակ կանգ է առնում։ Այժմ տեսնենք, թե որտե՞ղ կարող է գտնվել Հավճիլը։

Սայֆ-ալ-Դաուլան Մանազկերտից Կարին և այնտեղից Կողոնիա⁵³ կարող էր ուղևորվել միայն Կայսիկների ամիրայութունով անցնող ճանապարհով, բայց ոչ Վաղարշակերտի վրայով, որը Բագրատունիների տիրույթների մեջ էր գտնվում և որով հետագայում անցել էր Վասիլ Բ-ն։ Սայֆ-ալ-Դաուլան պետք է Մանազկերտից անցներ հնունիս, իսկ այնտեղից Կարին տանող հնունիս-Դարունք (Հասանկալա) ճանապարհը անցնում է Երասխի գետանցի մոտ գտնվող այժմյան Քյուլլի բնակավայրով։

Արշամունիքի Երիզայից (Ազիզա) Կարին տանող ճանապարհներից մեկը, որի վրա գտնվող Հավճիլից հետո կայսրը ուղղվեց դեպի Մանազկերտ, անցնում է հետևյալ բնակավայրերով. Երիզա-Օղնուտ-Գինեկ=կալա-Յանջալու-Բայախան=Գյաղուկ լեռնանցք-Բալլիֆթիլի-Գելյան-Փաթան-Ջերմուկ-Կոչեռուկ, այստեղից անցնում է Արաքսի հովիտը և շարունակում Մ. Մարխոթ-Ալթուն-Աբունու=գոմ-Աբա=քոյ-Գունդուգուդ-հերքեքլու-Թաթոս, այստեղից Արաքսի գետանցի մոտ գտնվող Քյուլլի բնակավայրը (հնունիս-Դարունք ճանապարհի վրա)։ այնուհետև այստեղից ճանապարհը ուղղվում է դեպի Կարին, Դարունք բերդ-ավանի վրայով, Մուրց գետի ընթացքով դեպի արևմուտք՝ Փալանթոքյան լեռնանցքով։ Այսպիսով, Արշամունիքից և Մանազկերտից եկող այս ճանապարհները Քյուլլի բնակավայրի մոտ հանդիպում են։ Հենց այս տեղերում պետք է եղած լինի Հավճիլը։

Ղ. Ինճիճյանը Քյուլլի բնակավայրի և դրա շրջակայքի մասին գրում է. «Գիւղ հայոց յորում էին 300 տունք, ամենեքին արք կորովիք. այլ ի պատերազմին հնուսայ պէյին ընդ Մալազկերտի բազում ամօք յառաջ, զորմէ պատմեցաք ի վերոյ, քայքայեալ եղծաւ այս գիւղ։ Մերձ յայս գիւղ է քարաշէն կամորջն Երասխայ։

Աւեր քաղաք։ Հուպ ի գիւղն Քիւլլի. և ի ստորոտ Պինկէօլ լերին, անկանի ի հարաւակողմն էրգիռումայ իբր 8 ժամաւ հեռի. ի հնուսայ իբր 6 ժամաւ ի սուրբ Կարապետէն ընդ առանձին ճանապարհ Պինկէօլի՝ իբր 15 ժամաւ. իսկ երկրորդ ճանապարհ հնուսայ՝ եռօրեայ. ի հնումն էր քաղաք մեծ կոչեցել Արծն, ի գիրս տաճկաց էրզըն»⁵⁴։

Հայտնի է, որ Արծն քաղաքը գտնվում էր Կաբինից (Էրզրումից) հյուսիս, այժմյան Կարարզի բնակավայրի տեղում։ Իսկ Քյուլլիից հարավ, քարե կամորջի մոտ (որը ամենայն հավանականությամբ պետք է կառուցված լինի հնում), գտնվող «Ավեր քաղաքը» պետք է լինի Հավճիլը։ Եվ դրանից հյուսիս, Երասխի հոսանքով վար, այժմյան Քեփրի-Բողազ կոչվող կիրճի մոտ գտնվող հաջորդ գետանցը, ամենայն հավանականությամբ, պահպանում էր Ասողիկի և Արիս-

52 Ա. Տ եր-Ղ և ո ն դ յ ա ն, նշվ. աշխ., էջ 151։

53 Ա ս ո ղ ի կ, էջ 179։

54 Ղ. Ի ն ճ ի ճ ե ա ն, Աշխարհագրութիւն շորից մասանց աշխարհի, մասն Ա. Ասիա, Հ. Ա., «Հայաստան», Վենետիկ, 1806, էջ 83։

տակեն Լաստիվերտցու հիշատակած Սևուկ բերդակ (Սև քար) բերդը⁵⁵։ Այսպիսով հստակ երևում է Կարինը պահպանող արտաքին ամրությունների գիծը։

Վերը նշված Ավոր-Աղորի բնաշխարհագրական բնութագիրը լիովին համապատասխանում է Հավճիշի գրաված և նրա շրջակա վայրերի պատկերին։

Այս վայրերում Արաքսի ոլորապտույտ ճանապարհն անցնում է կիրճերով։ Քեպի այս շրջանը տանող ճանապարհը մանրամասն նկարագրել է Լինչը՝ Մուշից էրզրում ճանապարհորդելիս. «Այժմ,— գրում է նա,— գտնվում էինք վերին Արաքսի ավազանում և մոտենում էինք հյուսիսային շրջաններին... Մենք դնում էինք հյուսիսային ուղղությամբ ավելի քան 6000 ֆուտ բարձրություն ունեցող մառախլապատ լեռնաշխարհով, շուտով մեր առջև տեսանք մակերեսի նշանակալի իջվածք, որը ընդարձակ գետահովիտ էր... Այն (Նրասիւր կամ Բասենսուն — է. Դ.) հոսում էր ուղիղ հյուսիս և դրա լայնությունը մոտ 15 յարդ էր։ Դրա հակառակ ափին գտնվում է Քյուլլի քրդական գյուղը, ուր մենք եկանք շորսն անց տասնհինգ։ Այն գտնվում է մոտ 6000 ֆուտ բարձրության վրա»⁵⁶։

55 Պտղոմեոսի կողմից Պարթևում հիշատակվող Καρίπαρα αρα-ին հայերենում համապատասխանում է Սև-քար բերդը (Claudii Ptolemaei Geographia, VI, 5, 2, ed. C. Nobe, Lipsiae, 1845)։ Karitā (հմտ. քար) հայերեն նշանակում է ամրոց (Ռ. Աբրահամյան, Պահլավերեն-պարսկերեն-հայերեն-ռուսերեն-անգլերեն բառարան, Երևան, 1965, էջ 167)։ Հայերենում կան բազմաթիվ տեղանուններ, որոնց հիմքում ընկած է նաև քար բառը, որը ստացել է ամրացված վայր՝ միջնաբերդ կամ ամրոց իմաստը (օրինակ՝ Նրվանդաքար և այլն)։ Այս տեսակետից հետաքրքիր է Կարին քաղաքի անվան ստուգաբանությունը։ Այստեղ նույնպես առկա է պահլավերեն kar- հիմքը, որի k չի > ք։ Ի դեպ Իսիդոր Քարակաջին Բեհիսթունից ոչ հեռու, Զագրոսի անցուղու մոտ նույնպես հիշատակում է Καρίνα անունը, սակայն որպես երկրամասի անուն։ Տեղին է հիշել, որ Հայաստանում Կարին քաղաքի անունով էր կոչվել Բարձր Հայքի 9-րդ գավառը։ Այստեղից կարելի է եզրակացնել, որ Իսիդորի հիշատակած Կարինա անունով կարող էր կոչվել ինչպես երկրամասը, այնպես էլ այնտեղ գտնվող ամրությունը, որը պահպանում էր Զագրոսի լեռներում գտնվող լեռնանցքը, որով անցնում էր միջադաշին նշանակություն ունեցող ճանապարհը (է. Լ. Դանիելյան, Իսիդոր Քարակաջու «Պարթևական կայանները», «Պատմա-բանասիրական հանդես», 1971, № 4, էջ 171—182)։ Հայաստանում կա ևս մեկ բերդ (Կարուց բերդը), որի անունը հիշեցնում է Καρίπαρα αρα, սակայն առանց ասեա բնորոշման։ Դա հնագույն ամրություն էր, որի շուրջը աճեց Կարս քաղաքը։

Παρα -ն թերևս կապված լինի παράνον· μέλανα = սև, կամ περσνός = մուգ դույնի բառերի հետ։

Ինչ վերաբերում է αρα -ին, այն հանրահայտ է, որ նշանակում է, «ամրոց»։ Այնպես որ Καρίπαρα αρα և Սև-քար բերդ կամ Սևուկ բերդակ անվանաձևերի միջև եղած կապն ակնհայտ է։

Մեծ Հայքի Մարդաղի գավառում այս անվան ի հայտ գալը պատահական չէր, քանի որ այն կապվում էր մարգերի անվան հետ, որոնց հիշատակում է Իսիդոր Քարակաջին Ռագիսկան Մեդիայի և Խոարենեյի միջև՝ Պարթևների պետության մեջ (K. Müller, Geographi Graeci, Minores., t. I, Isidori Characeni, Manstones Parthicae, VII, Hildesheim, 1965)։ Ինչպես Καρίπαρα αρα -ն Պարթևում, այնպես էլ հետագայում Սև-քար բերդը Հայաստանում կարևոր ռազմական նշանակություն են ունեցել։

Καρίπαρα αρα -ն ըստ Պտղոմեոսի նշված տեղագրության գտնվում էր Իսիդոր Քարակաջու նշած «Կասպիական դոներին» մոտ (Քեհհրանից ոչ հեռու) և դրանց պաշտպանության համար Հրահատ Ա-ն (176—171 մ. թ. ա.) այստեղ էր բնակեցրել մարգերին։

Սև-քար բերդը Մարդաղի գավառում նույնպես շատ կարևոր ռազմական նշանակություն ունեցող վայրում էր կառուցված և պահպանում էր Նիքատի արմունկից վեր Հավճիշ բերդի պահպանած առաջին գետանցից հետո երկրորդ գետանցը։

⁵⁶ H. F. B. Lynch, Armenia. Travels and Studies. London, 1901, vol. II, p. 188—190.

Ապա ինչը շարունակում է. «Հաշորդ առավոտ դեռ ժամը 8-ը չկար, մենք 14° ցրտին նորից ճանապարհ ընկանք: Հովտի վրա դեռ մառախուղ էր կախված, սակայն շուտով դրանից ավելի վեր բարձրացանք, նորից բարձրանալով սարահարթի վրա, որը երկու կողմից շրջափակում էր հովիտը... Ժ. 10-ին մենք թեք-վեցինք արևելք, դեպի մառախուղի կույտը՝ կախված գետի վրա, որը գտնվում է խոր կիրճում»⁵⁷:

Այսպիսով, Արիստակես Լաստիվերտցու հիշատակած Աղորի աշխարհը պետք է համարել ընկած Մարդաղի, Դասնավորք և Հավնունիք գավառների միջև՝ այսինքն Արաքսի ափամերձ լեռնային շրջանները: Հավնիչը, ինչպես նաև Սևուկ բերդակը ընկած էին Աղորի աշխարհում⁵⁸:

Հավնիչում տեղի ունեցած դեպքերի մասին միանման հայտնում են Ասողիկը և Արիստակես Լաստիվերտցին. Ասողիկի նկարագրությունն ավելի է համապատասխանում դեպքերի հաջորդականությանը, քանի որ, ինչպես երևում է նրա շարադրանքից, նախ և առաջ տեղի է ունեցել Վասիլ Բ-ի հանդիպումն աբխազական և վրացական թագավորների հետ և միայն դրանից հետո՝ բյուզանդական զորքերի և Դավիթ կյուրապաղատի վասալների՝ իշխանների և ազատների ընդհարումը: Սակայն Արիստակես Լաստիվերտցին իր հերթին ավելի ճիշտ է ներկայացրել այդ ընդհարման դրդապատճառները, քան Ասողիկը:

Հարկ ենք համարում բերելու երկու աղբյուրների վկայությունները. «Անդընդ յառաջ եղին նմա Բադարատ թագաւորն Ափխազաց, և հայր նորա Գուրգէն թագաւոր Վրաց, զոր մեծապատիւ մեծարանօք ընկալեալ զթագաւորն Ափխազաց՝ տայ նմա զկիրապաղատութեան պատիւն, և զհայրն նորա մաժիստոռս արարեալ՝ արձակեաց զնոսա զնալ յաշխարհս իւրեանց»:

Եւ ի նոյն օր գնալոյ նորա պատերազմ մեծ եղև ի բանակին Յունաց յազազս դոյզն ինչ պատճառի. զի իշխանք և ազատք կիրապաղատին Դաւթի եկեալ բանակեալ էին մերձ առ բանակին Յունաց: Եւ ի հետեակազնդէն Ռուզաց ոմն ելեալ խոտ տանէր երիվարին իւրոյ. իսկ ոմն ի Վրաց կամեցաւ խել զայն: և նորա աղաղակեալ՝ եկն ոմն յիւրոցն օգնել նմա. նոյնպէս և Վրացոյն յիւրսն աղաղակեալ՝ որք եկեալ սպանանէին զառաջին Ռուզն: Եւ ապա բոլոր ազգն Ռուզաց, որ ի տեղւոյն յայնմ՝ շարժեցան ի պատերազմ. (զի էին նոքա արք ԶՌ հետեակամարտք, նիզակ և ասպար ի ձեռս նոցա, զորս էր խնդրեալ թագաւորին Վասիլ ի թագաւորէն Ռուզաց, յորժամ ետ զքոյրն իւր կնութեան նմա, յորում ժամանակի և հաւատացին նոքա ի Քրիստոս): Եւ ամենայն իշխանքն և ազատք Տայոց ելին ընդդէմ նոցա, և պարտեալք ի նոցանէ»⁵⁹:

«Եւ ընդառաջ ընթանան նմա ազատագունդ զօրքն Տայոց, և առատատուր պարգևօք մեծարեալ ի նմանէ իւրաքանչիւր ոք ըստ արժանեաց»՝ յիշխանու-

⁵⁷ Նույն տեղում, էջ 191:

⁵⁸ Ղ. Ինճիճյանը Արիստակես Լաստիվերտցու հիշատակած Աղորին համարում է վրիպակ և առաջարկում է կարգաւ՝ Աղորը, որը Տայքի մի գավառն էր (Մեծ Հայք, էջ 375): Մ. էմինը («Всеобщая история Степаноса Таронского», переведена и объяснена Н. Эминым, М., 1864, стр. 200, прим. 3), Լեոն (Երկերի ժողովածու, Երևան, 1966, հ. 1, էջ 163), Հ. Հյուբշմանը (Հին Հայոց տեղւոյ անունները, Վիեննա, 1907, էջ 245, 246) և Թ. Խ. Հակոբյանը (Հայաստանի պատմական աշխարհագրություն, Երևան, 1968, էջ 262) Հավնիչը նույնպես տեղադրում են Տայքում: Հոնիգսմանը Հավնիչը տեղադրում էր Մարդաղի գավառում, սակայն Արաքսի հոսանքով ավելի վեր (E. Honigsmann, նշվ. աշխ., քարտեզ 4):

⁵⁹ Ասողիկ, էջ 276—277:

թիւն, ի պատիւ, ի գահ ժամանեալ՝ ցնծացեալ բերկրեցան յոյժ... Թագաւորն անցեալ յաշխարհն Աղօրի՝ մերձ յամուրն որ Հաւաճիչն կոչի, երեկօթս առնէ: Եւ ոչ գիտեմ յորպիսի պատճառանաց ընդ միմեանս անկեալ արեւմտական զօրն, որ կոչի Ըռուզք, և ազատագունդն, և ի նմին տեղւոյ մեռան յազատացն երեսուն, այր ի յոյժ պատուաւորացն: Եւ այս ոչ եթէ առաւիր և ի զուր անց ընդ նոսա, այլ քանզի նոքա յաւուր մեծի հինգշաբաթին դեղ մահու խառնեալ ի խորհուրդ պատարագին արքուցին նմա, և հեղձամահ արարեալ զերանելի անձն՝ բարձին ի կենացս, ձանձրացեալ կենօք նորա, վասն առաջիկայ խոստմանցն՝ որ ի Թագաւորէն ակն ունէին»⁶⁰:

Ինչպես տեսնում ենք, տայոց ազատագունդը կռվի է բռնվում բյուղանդական զորքի ուսական ջոկատի հետ Բագրատի և Գուրգենի (994—1008) հեռանալուց հետո: Ըստ երևույթին, Վասիլ Բ-ն Բագրատ Գ-ին⁶¹ պարգևատրելու հետ մեկտեղ նաև սյուլզերենի իրավունք էր վերապահել Տայքի վրա, որը տեղի իշխաններին դուր չէր եկել և նրանք ապստամբել էին: Տայոց ազատագնդի Հավճիչում գտնվելը պատահական չպետք է համարել, քանի որ այն նույնպես մտնում էր Վասիլ Բ-ից Դավիթ կյուրապաղատի ստացած տիրույթների մեջ:

Վասիլը ճնշում է այդ ապստամբությունը, և Կոստանդնուպոլիս վերադարձի ճանապարհին, ինչպես Ասողիկն է տեղեկացնում. «չու արարեալ զնաց ի քաղաքն Ուխթեաց, և զամենայն բերդս և զամրոցս Տայոց նուաճեաց ընդ ձեռամբ իւրով, զհաւատարիմս կարգեալ ի նոսա, և զմնացեալ ազատսն Տայոց առեալ տարաւ ընդ ինքեան՝ բնակեցուցանել յաշխարհին Յունաց»⁶²: Արիստակես Լաստիվերտցու հաղորդումը նույնպես հաստատում է, որ կայսրը ուժով տիրացաւ Տայքին: «Եւ գայ ի քաղաքն Ուխթեաց, և տիրէ բազում գաւառաց և բերդից և քաղաքաց: Եւ կացուցանէ ի վերայ նոցա գործակալս և դատաւորս և վերակացու»⁶³:

Հավճիչից հետո կայսրը ուղևորվում է Մանազկերտ՝ վերը նկարագրված ճանապարհով: Ի տարբերություն Արիստակես Լաստիվերտցու, Ասողիկը տեղեկացնում է ճանապարհին Վասիլի ունեցած հանդիպումների մասին: Նա գրում է. «Եւ սակաւ ինչ յառաջ խաղացեալ Թագաւորն Վասիլ՝ եկն առ նա Թագաւորն Վանանգայ մանուկն Արաս, ի ձիավարելն ունելով զնշան քաջութեան արիականաւ զարդարեալ զեղու, և Սենեքերիմ Թագաւորն Վասպուրականի... Վասիլ պատուեաց զնոսա արքունատուր պատուով, և ետ նոցա ձիս և ջորիս և հանդերձս պայծառս և ոսկի յուով և դարձոյց զնոսա յիրաքանչիւր տեղիս»⁶⁴:

Աբասը ավելի քան շահագրգռված էր Վասիլի հետ հանդիպելու և որոշակի համաձայնություն զալու, քանի որ Դավիթ կյուրապաղատի մահից և հիշյալ ղեկաբերից հետո նրա Թագավորությունը հարավ-արևմուտքում և հարավում

⁶⁰ Արիստակես Լաստիվերտցի, նշվ. աշխ., էջ 23:

⁶¹ Բագրատ Գ-ի մասին ավելի մանրամասն տես՝ Ս. Տ. Երեմյան, Լիպարիտ զորավարը և նրա նախորդները (Ն. Մառի անվան կաթինետի «Աշխատություններ», հ. 2, Երևան, 1947, էջ 118—119):

⁶² Ասողիկ, էջ 278:

⁶³ Արիստակես Լաստիվերտցի, էջ 24: Այս տողերը Վ. Հարությունով-Ֆիգանյանին բերում են այն եզրակացության, որ Վասիլ Բ-ն 1001 թ. հիմնեց Իբերիա բանակաթեմը (В. А. Арутюнова-Фиданян, Византийские правители феми Иверия («Վրացեր հասարակական գիտություններ», 1973, № 2, էջ 63—64), սակայն վերը նշածից երևում է, որ այդ իրադարձությունները պետք է տեղի ունեցած լինեին 1000 թ.):

⁶⁴ Ասողիկ, էջ 277:

անմիջականորեն սահմանակից էր դառնում կայսրության զավթած հողերին, ինչ վերաբերում է Սենեքերիմին (1003—1021), որը այդ ժամանակ գահակից էր իր երեց եղբորը՝ Գուրգենին (990—1003), ապա նրա և եղբոր թագավորությանն արևելքից կրելով սելջուկյան հրոսակախմբերի հարվածները՝ կարիք ուներ Բյուզանդիայի հովանավորությանը:

Կայսրը շարունակելով ճանապարհը. «երթեալ անցանէ ընդ Հարք և ընդ Մանաղկերտ և ղետղ առեալ դառնալ ի վերայ Բագրևանդայ»⁶⁵, Ասողիկը ավելացնում է. «բանակի ի դաշտին մերձ ի քաղաքն Վաղարշակերտ. մնալոյ դալըստեան Գաղկայ արքային Հայոց: Այլ նա իբրև փոքրութիւն համարեալ զգնալն իւր առ նա»⁶⁶, Բագրևանդը մտնում էր Անիի թագավորության տիրույթների կազմում: Այնտեղ էր գտնվում Տαχάβου քաղկեղոնական թեմը, որը կայսրի հատուկ ուշադրության կենտրոնում պետք է լիներ:

Վասիլ Բ-ն ապա ուղևորվում է Ուղթիս (Օլթի), անցնելով Աբասի թագավորությունով, Հավնունիքում գտնվող կղեսուրքով: Ճանապարհին պետք է անցած լինեն Անդակ բնակավայրով, որը կայսրության քաղաքականության հենակետն էր, քանի որ, ինչպես վերը նշեցինք, այնտեղ գտնվում էր մի քաղկեղոնական եպիսկոպոսություն՝ Ἀνδᾶκων⁶⁷:

Ավարտելով Արևելքի հետ կապված գործերը, «դարձաւ նա ընդ Կարին ընդ Խաղտոյառիճ ի Կոստանդնուպոլիս»⁶⁸:

Այսպիսով, Վասիլ Բ-ի 1000 թ. արևելյան արշավանքի երթուղին անցնում էր Բյուզանդիայի բռնագրավմանը ենթակա հողերով: Արշավանքը նպաստեց Արևելքում Բյուզանդիայի գերիշխանության ժամանակավոր ամրապնդմանը:

ЦЕЛЬ И НАПРАВЛЕНИЕ ВОСТОЧНОГО ПОХОДА ВАСИЛИЯ II В 1000 ГОДУ

Э. Л. ДАНИЕЛЯН

Резюме

Итогом восточного похода Василия II Болгаробойцы явилось присоединение к империи земель Давида куропалата как наследственных, так и вновь приобретенных. Император лично, ведя переговоры с эмиром Маяфаркина (Нфркерта) — племянником Бата, с абхазским царем Смбат-Багратом III (975—1014), грузинским царем Гургеном (994—1008), царем Вананда Абасом (984—1029) и царем Васпуракана Иоанном-Сенекеримом (1003—1021), обеспечил господствующее положение империи на Востоке, хотя ненадолго.

Область Алори с крепостью Авчич была расположена к юго-востоку от гавара (округ) Мардали, между гаварами Авнуник и Даснаворк. Упоминаемая по соседству крепость Севук-бердак или Сев-кар локали-

⁶⁵ Արիստակես Լաստիվերտցի, էջ 24:

⁶⁶ Ասողիկ, էջ 277—278:

⁶⁷ Հմմտ. Հ. Մանանդյան, Հին Հայաստանի գլխավոր ճանապարհները, Երևան, 1936, էջ 56:

⁶⁸ Ասողիկ, էջ 278:

зуются к северу от Авчича, вниз по течению реки Аракс. Название крепости Сев-кар находит свою аналогию в названии пункта *Каріпраха āхра*, упоминаемого Птолемеем (Ptol., VI.5.2) в Парфии, у «Каспийских ворот» (около современного Тегерана). Ее охрана, как следует из труда Исидора Харакского, была вверена Фраатом I-ым (176—171) племени мардов (Isid., VII). Указанные пункты и горные проходы находятся в Мардали, в названии которого сохранился этноним «мард». Это указывает на то, что в древней Армении также для охраны горных проходов пользовались вооруженными отрядами мардов, поселенных в этих местах.

Халкедонитские епископства, созданные в глубинных гаварах Армении, являлись опорными пунктами внешней политики Византийской империи на Востоке, поэтому определение их местоположений имеет большое значение для выяснения такого вопроса, как маршрут следования императора Василия II в 1000 г. На основании списка епископств Трапезунтской митрополии устанавливаются пункты, через которые, согласно текстам армянских и византийских историков, прошел во время своей поездки на Восток император Василий II.